

Catullus 99

Meter: *Elegiac Couplet*: — $\bar{u}\bar{u}$ | — $\bar{u}\bar{u}$ | — $\bar{u}\bar{u}$ | — $\bar{u}\bar{u}$ | — uu | — x
 — $\bar{u}\bar{u}$ | — $\bar{u}\bar{u}$ — || — uu | — uu x

Surripui tibi, dum ludis, mellite Iuventi,

suaviolum dulci dulcius ambrosia.

Verum id non impune tuli: namque amplius horam

suffixum in summa me memini esse cruce,

dum tibi me purgo nec possum fletibus ullis

5

tantillum vestrae demere saevitiae.

Nam simul id factum est, multis diluta labella

guttis abstersisti omnibus articulis,

ne quicquam nostro contractum ex ore maneret,

tamquam commictae spurca saliva lupae.

10

Praeterea infesto miserum me tradere amori

non cessasti omnique excruciare modo,

ut mi ex ambrosia mutatum iam foret illud

suaviolum tristi tristius elleboro.

Quam quoniam poenam misero proponis amori,

15

numquam iam posthac basia surripiam.